


梅

湖

集

上







梅湖集序

東屏之於詩家者流獎第乎  
其所目而渾金璞玉乎其所  
耳糠粃乎其在今而熊蹯豹  
胎乎其往昔此其疵不僻則





陋駸之底于不可救藥蓋能  
騰口拉掌驚白猿潭者頂蹶  
殆交觔矣而輒曰我不蘓李  
不儲王不屑其步前軍文字  
枕列之於俚謔不必讀是宜



有子初閉因自出機杼者而  
繇今觀之影掠耳食之且不  
及雖謂之質昧荒忽無有繩  
墨非過語也本朝詩道在  
明宣以後匹不為盛為其貌三



唐矣倉苑練實反有損於以  
注為宋氏蹊術者顧宋松輦  
寫幅臆唐北優孟衣冠所施  
蠟粉澤焉耳今市逢暮之齡  
得讀前朝梅湖陳補闕詩



而後知吾言之不大逕庭河  
漢爲也公由甲科登第府旣  
又奉使金源沿一時詞翰壇  
坵徵古作者法程歸興李文  
順命世方駕迭相豪雄而究



其宮商所協組繪所集則一  
出於情性所欲言不向人處  
下作家計也故流麗淡宕化  
腐為新藹然有古香幽馥溢  
於零篇斷簡之外是所謂在



唐為唐在宋為宋孰稱而孰  
可祧非公雅尚所涇渭也夫  
金匱軾之贍鄭知常之華蓋  
穠健博陶圃溫粹皆由此其  
選而雖以集成之牧老要亦



不掉臂於斯謗矣然則申文  
貞所云我朝文章大不如  
方朝者不幾近之歟公後  
商皓與箕煨來徵續刊緣起  
而修前諸公所述作備矣特



拈其平素未能質而未敢自  
信者畱書之如此倘有具眼不  
以為郢燕之妄固可幸也

上之五年甲寅孟夏大匡輔  
國崇祿大夫議政府右議政



兼領 經筵事監春秋館事

楊州趙斗淳序



梅湖集序

梅湖陳公諱澤洪州人也宋寧宗慶元六年舉進士  
未幾登第入翰林以書狀官使于金擢知制誥由正  
言遷拜補闕已而進爲右司諫知公州事卒于官公  
少與文順公李奎報爲歌詩名動一世文順公著述  
最盛而公所爲絕句古詩多零落不傳於世然玉堂  
唱酬之作雄俊清麗非文順公所能及也世傳公在  
王氏時以書狀奉使金源與金人周旋居多故文章  
得於金人非也當宋室南遷之時禮樂崩壞圖書散  
逸自漢以來董仲舒司馬遷楊雄劉向所爲文與唐



名家李太白杜子美韋應物柳宗元所爲詩入於灰  
燼無一人能繼其聲至文真竊居中國雖徃徃有能  
文章者而金源夷狄之音不足聽也若蒙古北鄙之  
聲與中國周公孔子顏淵曾參羣聖人之言有所不  
同然文靖公牧隱先生從歐陽玄學文章曾不知愧  
獨公詩稱西華已蕭索北寨尚昏蒙坐待文明朝天  
東日歆紅鳴呼西華先宋之謂也北寨蒙古之謂也  
公能以高麗陪臣知先宋之爲中國而蒙古之爲夷  
狄藹然有春秋之義豈不賢哉况豫知大明有天  
下坐待日出可謂奇矣公諸孫集公之詩以圖不朽



嗚呼歌詩雖甚少亦足以知公之義何必多乎昔文  
忠金公錫胄選歌詩自高麗至我朝近代拈出文  
章四十餘家評品其詩各有譬語至公詩則曰花開  
瑞雪彩綢祥雲若文忠公者亦可謂知詩也已癸卯  
仲冬輔國宗祿大夫判敦寧府事兼判義禁府事吏  
曹判書知經筵事弘文館大提學藝文館大提學  
知春秋館成均館事奎章閣檢校提學黃景源序







高麗梅湖陳公與白雲子李公生並世文齊名而所  
不同者年位耳始也文集俱出而李集尚傳陳集卽  
佚豈不朽之傳亦有幸不幸而抑由於各位之不侔  
而然也余甚慨惜求之於公之後裔駒城士人陳尚  
廉家年代寢遠無有存者豐山洪萬宗甫拾得公遺  
詩若干首於雜記中而殘篇短什不滿一冊故歸之  
子孫子孫力微不付剞劂附錄於陳氏族譜編首余  
謂族譜藏于家文集行于世今若合爲一錄則其不  
傳如前也遂析而分之又窮搜洪君未見之書亦不  
無所得仍念文集必載家狀墓誌然後作者之系派



事行始著而此則闕焉公之遺事將何考焉惟文會  
唱酬之作有一時鴻匠鉅公推許贊美之語而且白  
雲集中尤多此誠紀實也遂拈出諸話中要語可證  
者添錄焉公之事行於是槩見零金鎖珠皆可珍惜  
釐爲二編居然成一集噫玄亭覆瓿之文必待後世  
之子雲則余於公雖不敢自比於後世之子雲而若  
其慕庸之深蒐訪之勤亦府後於載酒問字之人也  
茲不揆僭猥略爲之叙

崇禎三壬辰季夏下泮蔚山府使宜寧南泰晉序



勝國之文世推李文順爲大家梅湖陳公富鹿少遜而清新殆過之文順之集盛行于世而梅湖遂無傳焉後五百有八十年裔孫塤始輯其遺稿錄諸家評隱之語裒爲一卷訪余終南書屋要題簡端且援先祖忠文公叙驪陽譜事爲質余其敢辭諸粵自羅麗間有各世而摹倣華人口氣餘論竊不免於陳梁陋習唐宋圈套耳其能自闢堂奧別豎旗鼓傑然爲一代宗匠者亦歎矣公名濬少有儒才尤善爲詩詞魁司馬闡文科中青錢選與孫得之李允甫諸人掉鞅詞垣琴承制儀試署院擢文順爲首而公副之世效



爲李陳格凡國有制作多出公手以書狀官使金遷  
歷補闕右司諫知制誥出試知公州事以卒其爲詩  
清華雄邁變態溢媚巨構長篇蘊籍贍賜漫味短韻  
手神警絕若公者可謂傑然名世歟蓋奕世鍾鼎蔭  
藉高華出入承明回翔鑾坡共文辭地望在于金鍾  
石衡之間染翰落藻同時名勝爭相傳誦以爲不可  
及然其所著未有刊本遺佚殆盡今欲舉其高文典  
冊溢囊盈袞者固已飛塵寒烟之蕩滅而不可復覩  
矣若卷中所載乃摭拾其散出他書耳顧何由盡窺  
其全美也哉雖然寥寥殘翰歷落塵見於蟲穿蠹蝕



斷爛之餘者猶足以壓倒書林籠挫藝圃如威鳳之  
片羽文豹之一斑希世而愈珍閱古而彌光又何必  
多乎哉噫文章自有聲價而不係于篇奏之富則後  
之尚論者其品藻之高下韻格之雅俗尚可以徵諸  
斯編而繡梓入刊圖壽厥傳亦堉之志然也公之兄  
御史大夫湜及禮賓寺卿溫俱登第有詩聲時人謂  
之聯珠今附禮賓遺什于下方以備公家文獻之晟  
云

皇明崇禎三癸卯初秋上澣外裔教官完山李英裕  
謹書



梅湖遺稿





# 梅湖公小傳

梅湖公洪州驪陽縣人也姓陳名澤梅湖其號也曾祖諱寵厚事高麗仁宗以大將軍討賊臣李資謙封驪陽君祖諱俊叅知政事當教明庚癸亂扶護文臣全活甚多時人謂其後必昌考諱光脩兵部尚書公其季子也有偶才善屬文尤工歌詩清麗雅健藹然有正始音明宗嘗命羣臣製蒲湘八景詩公以童州亦作長篇氣格豪壯與李大諫仁老詩俱爲絕唱其文藝夙就如此神宗戊午從尚書公東京任所未幾魁司馬庚申登亞元第時公未委禽辛酉補內侍當



時新進極選也熙宗己巳遷學正康宗壬申預青錢  
選與孫得之李允甫諸人俱掌絲綸而高文大冊多  
出公手李文順奎報以硬韻急倡自多每倚半酣援  
筆立就疾如風檣人莫不瞠若乎後而公與之方駕  
不少讓翰林別曲所謂李正言陳翰林雙韻走筆者  
盖指此也癸酉坐言事免官尋還入翰苑高宗乙亥  
禮部員外郎尹世儒謁崔忠獻請試<sub>館閣</sub>諸公賦詩  
四十餘韻使翰林承旨琴儀考閱文順爲首公次之  
凡諸考試必居伯仲間如沈宋之在唐朝以書狀官  
如金遷遷玉堂兼知制誥由正言歷補闕因王事赴



閩東以右司諫出補知公州事卒于官葬于駒城縣  
南元巖某坐原公以踈爽出俗之姿詞華才猷爲一  
世冠冕歟年通籍聲望甚隆雍容展步不離臺閣人  
皆以公輔期之時權凶柄國氣燄薰灼名儒才子多  
投詩媒進公心鄙之述感興詩以見志唯以琴酒自  
適位雖不振而名益顯文順嘗曰陳君長篇辭語奔  
放在天地六合之外安棄菴淳之曰君才已過筠溪  
少進之可至東坡崔文清公亦曰公詩清雄華靡變  
態百出信一代宗匠也其推美之至矣惜其全稿不  
傳於世散見於補閒集東文選諸書者若干篇公十



五世孫塏始裒輯而刊行之公有四男長錫門下侍  
中次鑄次蕃戶部尚書次普少監

按南公泰普所錄公自號梅湖叅知政事俊孫  
寵厚曾孫公之子令獻翰林學士孫蕃樞密副  
使陳氏新譜校百年前舊譜相錯此說必有所  
本而小傳姑從新譜當俟更攷



梅湖遺稿總目

五言絕句

七言絕句

五言律詩

七言律詩

五言排律

七言排律

五言古詩

七言古詩

附錄



事實

酬唱

評品

禮賓卿公詩



梅湖遺稿目錄

五言絕句

奉使入金

憶金翰林

亮已

七言絕句

春晚題山寺

柳

五夜

遊五臺山

靈鵲寺



野步

陳仲子

海棠 二首

過海州

和李俞諸公題任副樞

景謙

寢屏四詠

列子御風

子猷訪戴

陶潛漉酒

潘閔移居

春日和金秀才

二首



詠廣寧府十三山

讀李春卿詩

題畫扇蟠松

五言律詩

秋日書懷

次韻朝守

夕守

七言律詩

松都

賞春亭玉粟花



月桂寺晚眺

次李田之賀生女 二首

中秋雨後

從海安寺乞松枝

梅花

康宗大行記 已下散句

轉大慈冠頂火道場音讚詩

江上

夕題

七言排律



直廬與諸公占韻賦扇

七言排律

上琴承制

儀二首

五言古詩

追和歐梅感興

四首

七言古詩

扈駕奉先殿夜醮

宋迪八景圖

平沙落鴈

遠浦歸帆



漁村落照

山市晴嵐

洞庭秋月

瀟湘夜雨

烟寺暮鐘

江天暮雪

書雲巖寺

使金通州九日

金明殿石菖蒲

桃源歌



葦萊崔山人寄書請賦

月夜與李史館允甫同賦遊月宮篇

詩逸



有注遺和

卷之八



梅湖遺稿

五言絕句

奉使入金

西華已蕭索北寨尚昏蒙坐待文明旦天東日歆紅  
崔文晴滋補閒巢曰陳補闕澤以書狀官入金云

西華

南宋在西故云

已蕭索北寨尚昏蒙坐待文明旦天

東日歆紅予於前歲以副樞使蒙古抵宿興中府  
見一寺壁上書一絕云四野盡爲狐兔窟萬邦猶  
仰犬羊天人間樂國是何處深歎吾生不後先陳  
以幕佐八朝稱北寨昏蒙非禮興中一絕是客子



所題言高何罪

按勝國時歷事遼金恬不知耻獨公此詩嚴於  
華夷之辨深得春秋之義似有先見而發時女  
真雖感而蒙古繼熾所謂北寨昏蒙盖並指兩  
國也慨然有蹈海俟河之意纔經百年與大明  
一統掃蕩腥羶文明之化東漸于海惜乎公之  
未及見也

憶金翰林

克己

吟詩卧窮巷爽氣透屋浮上天結爲露散作人間秋  
補閑集曰金翰林克己詩醉時歌及河陽山莊用



劇韻叙舊等長篇其辭意清曠浩汗酌而不窮誠  
富贍之才華也不然何以陳補闕憶翰林云吟詩  
卧窮巷爽氣透屋浮上天結爲露散作人間秋  
七言絕句

春曉題山寺

雨餘庭院簇莓苔人靜雙扉晝不開碧砌落花深一  
寸東風吹去又吹來

補閑集曰陳補闕聞人誦文禪師詩一句云剪蕉  
牕減雨栽竹砌添秋以爲警句陳笑曰此乃兒曹  
語老儒不道也予嘗題山寺落句云碧砌落花深



一寸東風吹去又吹來此等句格乃老儒語也金翰林云北軒睡足花陰轉梁燕將雛去又來雖不及陳詩其語華麗相近

金文貞台鉉曰陳補闕澤嘗謂余詩當以清爲主如題山寺詩曰雨餘庭院簇莓苔人靜雙扉畫不開碧砌落花深一寸東風吹去又吹來其言信然開碧砌落花深一寸東風吹去又吹來其言信然徐四佳居正東人詩話曰陳司諫澤雨餘庭院簇莓苔人靜柴扉畫不開碧砌落花深一寸東風吹去又吹來此等句格乃老儒語也金趙退菴詩曰蒲色青青柳色陰今年寒食去年心



醉來不記閔河夢路上飛花一膝深其曰一膝則  
又深於一尺矣况太白詩燕山雪花大如席又曰  
白髮三千丈蘇子瞻詩大繭如甕盎是不可以辭  
害義但當意會爾近得甘露巢乃宋僧詩也其詩  
云綠楊深院春晝永碧砌落花深一寸與陳句無  
一字異古之人亦有是語矣

柳

鳳城西畔萬條金句引春愁作暝陰無限光風吹不  
斷惹烟和雨到秋深

李益齊賢集櫟翁稗說曰陳正言澤詠柳云鳳城



西畔萬條金句引春愁作暝陰無限光風吹不斷  
煮烟和雨到秋深唐李商隱柳詩云曾共春風拂  
舞遙樂遊暗苑斷腸天如何肯到清秋節已帶斜  
陽更帶蟬陳蓋擬此而作山谷有言隨人作計終  
後人自成一家乃逼真信哉

五夜

五夜不知風雨惡醉和殘夢度晨鷄家僮忽報南溪  
漲半泣山花到石階

遊五臺山

時公因王事往關東  
作○載輿地勝覽

盡裏當年見五臺浮空蒼翠有高低今來萬壑爭流



處自覺穿雲路不迷

補閑集曰丁秘監而安遂於文章墨竹最妙嘗曰  
士大夫揮掃例以詩爲本若杳其圖則盡工也鄭  
舍人知常醉題云桃花紅雨鳥喃喃繞屋青山間  
翠嵐一頂烏紗幘不整醉眠花塢夢江南此詩可  
作圖畫看也陳補闕遊五臺山云畫裏當年見五  
臺掃雲蒼翠有高低今來萬壑爭流處却喜穿雲  
路不迷此古人所謂對境想畫也

陳氏家藏曰我 肅廟戊戌秋公十四代孫翼漢  
以保安督郵入五臺鏤公詩揭月精佛閣次其韻



曰先祖何年到五臺碧山無語暮雲低  
遺篇爲向禪樓揭回首十崖意自迷  
去歲登臨最高臺四邊喬嶽眼中低  
偶然入洞還回轡不是劉郎再到迷

靈鵲寺

已臨絕壑倚長松更躡層梯策瘦筇  
還笑遊人心太躁一來欲上取高峯

野步

小梅零落柳欹垂閒踏青嵐步步遲  
漁店閉門人語少一江春雨碧絲絲

東人詩話曰李相國詩輕衫小簟卧風櫺  
愛斷帶



鸞三兩聲密葉翳花春後在薄雲漏日雨中明陳  
司諫詩小梅零落柳欹垂閒踏青嵐步步遲漁店  
閒門人語少一江春雨碧絲絲兩詩清新幻妙閒  
遠有味品藻韻格如出一手雖善論者未易伯仲  
也

許筠惺叟詩話曰陳翰林濬與李文順齊名詩甚  
清邵其小梅零落柳欹垂閒踏青嵐步步遲漁店  
閒門人語少一江春雨碧絲絲清勁可詠

陳仲子

口適何煩食萬錢身安可以謝重氈一言坐却百金



使須信先生妻更賢

海棠 二首

酒痕微微點玉腮  
暗香搖蕩隔林人  
紅杏紫桃無遠韻  
一枝都占上園春

又

風輕不用臙脂雪  
月冷潛驚玉露香  
別院曉寒烟淡  
淡數枝和睡靚新粧

過海州

俠騎傳呼未入州  
紅旗翠蓋滿天浮  
金符紫吏迎遍  
道猶步驂驪不點頭



和李俞諸公題任副樞

景諫

寢屏四詠

此詩神宗甲子

年間作○屏本六疊而右軍換鵝華亭經子和尚二疊所題不傳

列子御風

衣冠軒簏向空飛  
旬五歸來自可期  
須信冷然非大適  
無風還有待風時

子猷訪戴

月浸長江雪壓枝  
中流回棹漾漣漪  
相忘不獨山陰客  
與盡歸來我亦誰

陶潛漉酒

督郵風味最高高  
何用真珠滴小槽  
漉罷拂巾還自



著不妨衰髮帶霜槽

潘閬移居

從補閬集作  
騎驢為是

三峯縹緲是新居一抹斜暉轉碧虛已信此行無去  
住浪吟猶自倒騎驢

補閑集曰文順公與俞尹諸同年席上和任副樞  
景諫寢屏四詠列子御風云從來道境尚遺身何  
必乘虛始自神若向風頭尋禦寇滿空飛鳥亦真  
人陶潛漉巾云漉則為蓑戴則巾箇中分別任他  
人不妨頭上餘痕在已是平生著酒身子猷訪戴  
云訪人情味雪溪中若便相看一笑空莫道與閬



回棹去造門直返意無窮潘閭騎驢云閬仙若也  
愛三華一望嵯峨已是多倒跨寒驢真好事將身  
欲入畫中誇

春日和金秀才 二首

綉檻爐烟學細雲酒醒愁重兩眉春  
鸞鴛雨脚斜穿院蜂把花心懶避人

又

蒲樹春紅泣露華映門垂柳欲藏鴉  
作詩亦是妨真興閑看東風掃落花

李文簡晬光芝峯類說曰麗朝學士陳萍洪州人



詩甚清麗與李奎報同時翰林別曲所謂李正言  
陳翰林雙韻走筆者也其五臺山詩曰畫裏當時  
見五臺掃雲蒼翠有高低今來萬壑爭流處自覺  
穿雲路不迷又有詩曰作詩亦是妨真興閑看東  
風掃落花

詠廣寧府十三山

巫山十二但聞名驛路偷閑午枕涼剩骨一峯雲雨  
惱傍人應笑夢魂長

補閒巢曰陳玉堂澤李蓬山允甫同夜直禁林時  
有前入金書狀官某言廣寧府道傍有十三山往



來客子題詠頗多皆淺近未能破的請兩君賦之  
陳即援筆云巫山十二但聞名驛路偷閑午枕涼  
剝骨一峯雲雨惱傍人應笑夢魂長李云六七山  
抽碧玉簪葱籠佳氣射朝驂從今嵩嶽嘉名減只  
數奇峯二十三又云少年蠟屐好登山踏盡衡巫  
岱華間五老人公遊未遍不知藏此此中慳陳詩  
以意李詩以言兩首之言不如一首之意

讀李春卿詩

啾啾多言費楮毫三尺喙長只自勞謫仙逸氣萬象  
外一言足倒千詩豪



補閑集曰陳補闕讀李春卿詩云啾啾多言費楮  
毫三尺喙長只自勞謫仙逸氣萬象外一言足倒  
千詩豪及第吳芮公曰逸氣一言可得聞乎陳曰  
蘇子瞻品畫云摩詰得之於象外筆所未到氣已  
吞詩畫一也杜子美詩雖五字中尚有氣吞象外  
李春卿走筆長篇亦象外得之是謂逸氣謂一語  
者欲其重也夫世之嗜常或凡者不可與言詩况  
筆所未到之氣也

題畫扇蟠松

老僧長伴蒼髯叟何更移真入扇團



補閒集曰陳補闕因王事行過雉岳西杉松蔭密  
水石幽奇心愛之入洞中有草屋兩三隱映林間  
一老僧帶兒子坐溪石陳下馬與語氣韻不凡遂  
偶坐見一紙扇畫蟠松陳取扇書其背云老僧長  
伴蒼髯叟何更移真入巖園僧即和云春風不到  
峨眉嶺撲地蛟龍翠作團陳即驚愕歎服又贈十  
韻語意俱清絕不知何許人

五言律詩

秋日書懷

富貴也悲秋孤吟况弊裘閱多人寵辱問幾日歸休



落葉埋金井  
疎砧響石樓  
聊將倦遊興  
歌枕問滄洲

次韻朝守

清切天居近  
徘徊閣道深  
樓明初榜殿  
月落半庭陰  
烟色籠溫樹  
風聲度舜琴  
醉顏侵夜起  
殘夢雜微吟

夕守

薄暮趨宸伏  
彤庭逐貴遊  
詩懷憑酒得  
世態向人羞  
新月彎宮樹  
華燈上御樓  
坐思天下事  
何日惜前籌

七言律詩

松都

小雨朝來卷細毛  
浴江初日暈紅濤  
千門撲地魚鱗



錯雙闕撓天驚翼高吳苑袂衣晴闌草漢宮仙袂醉  
分桃多慙久忝金閨侍與倚清香奉赭袍

東人詩話曰鄭司諫知常西都詩紫陌春風細雨  
過輕塵不動柳絲斜綠陰朱戶笙歌咽盡是梨園  
弟子家西都繁華氣象四句盡之後之作者無能  
闖其藩籬陳補闕澤松都詩小雨朝來卷細毛浴  
江初日暈紅濤千門撲地魚鱗錯雙闕撓天驚翼  
高吳苑袂衣晴闌草漢宮仙袂醉分桃多慙久忝  
金閨侍與倚清香奉赭袍詞語清新美麗可以並  
駕齊驅矣



南壺谷罷翼詩話曰前朝各體中壓卷之作五言  
律則牧隱賅過永明寺七言絕則鄭知常兩駁文  
堤草色多已有定論而七言律五言絕則未有所  
屬無已則陳濬之小雨朝來細毛李文順之山  
僧貪月色乎

賞春亭玉藥花

懶隨桃李鬪嬌嬈素艷閑愁鎖寂寥號國夫人嬌  
黛漢臯仙子佩瓊瑤半墻疎影風前亞掠鼻清香  
後飄十二玉欄春欲暮急須摹取上敝綃

月桂寺晚眺



小樓高倚碧孱顏  
雨後登臨物色閑  
帆帶綠烟歸遠浦  
潮穿黃葦到前灣  
水分天上真身月  
雲漏江邊本色山  
客路幾人閒  
似我曉來吟到晚  
鴉還

東人詩話曰  
古人詩多用佛家語  
以騁奇氣如陳翰林  
澤詩水分天上真身  
月雲漏江邊本色山  
李益齊詩此物非他  
物前身定後身皆好  
然王荊公寫真詩云  
我與丹青兩幻身  
世間流轉會成塵  
但知此物非他物  
莫問前身是後身  
李詩述半山求若  
陳之意新而語奇

次李由之賀生女二首



分外何勞更苦神無心駟馬納高門  
偶因蛇虺成佳夢長得兒孫有老盆  
井渫亦得源吐派竹枯猶解笋  
抽根他年尚可傳遺業已把浮生任有垠

又

幾年孤影每傷神老去俄驚悅在門  
弄筆豈能知數字縹緲但要盡三盆  
會看魚隊浮波面厭聽虫聲斗  
草根煩子清詩屢相賀筆傾河漢若爲垠

按公此詩有孤影傷神之語公有四男而蓋晚  
得之歟或云公只有一男此說爲是歟當更攷

中秋雨後



却看濃墨久含情，忽喜涼風四面生。  
銀竹已隨雲脚捲，玉盤還共露華清。  
遊人欲散重呼酒，媚妓相招更按笙。  
應爲天瓢洗空碧，孤光全勝別宵明。

從海安寺乞松枝

疎慢年來困暑炎，小亭那更晝厭厭。  
叵堪日影侵虛牖，欲乞松枝補短簷。  
聞道老株流鳳髓，間將新斧伐虬髯。  
倘能分我清涼蔭，肯羨侯家水作簾。

梅花

東君試手染羣芳，先點寒梅作淡粧。  
玉頰愛含春意淺，縞裙偏許月華涼。  
數枝猶對撩人艷，一片微迴逐



馬香正似清溪看踈影只愁桃李未升堂

康宗大行挽

七律歌句

九原一旦成千古四海三年過八音

補閑集曰李史館允甫嘗與人評曰吾曩與李翰林春卿同在禁林時康廟大行誥院翰署皆作挽詞李曰未信賓天終不返却疑遊月儻還來院署諸老拱手嘆服時陳翰林澤亦云九原一旦成千古四海三年過八音不及李遠矣又言九原非

轉大藏經消災道場音讚詩

兩手蕉心經卷卷半肩山色衲層層



補閑集曰每歲春秋轉大藏經及興消災道場皆  
命誥院詞臣作四韻音讚詩李公仁老初登誥院  
以謂音讚詩乃讚佛德也蔡拾遺寶文云性空月  
滿乾坤曉覺樹花開世界春此真讚佛也然若不  
能專讚佛寶通讚三寶亦得如陳補闕云兩手薰  
心經卷卷半肩山色衲層層此讚僧寶也文順公  
云琅函霧濕龍擎到紺席風生象踏行此通讚法  
寶僧寶也

禪朝案上香堆燼講夜簷頭月減稜

補閑集曰文順公云形勝新開白玉京江山王氣



雍明堂更憑佛力金城固寧畏胡雛鐵騎強李學  
士云嘻嘻出出如鳴社戰戰兢兢若履水文順公  
當遷新都日襁狄兵李學士當廩災後招梗宜叙  
事如此陳補闕云禪朝案上香堆燼講夜簷頭月  
減稜雖語格清爽賦景致非也第一聯言設席領  
聯頸聯皆讚三寶落句言福利此音讚詩之範也

江上

風吹釣叟帆邊雨山染沙鷗影外秋

補閑集曰富貴如趙汭酒伯琪云翬花別院笙歌  
咽車駕高門釵珮鳴精彩如文順公甘露寺云霜



花照日添秋露海氣干雲散夕霏飄逸如陳補闕  
江上云風吹釣叟帆邊雨山染沙鷗影外秋明媚  
如金翰林雨送紫茸歸野蕨風催青子上江梅文  
順公雨晴草色連空綠風暖梅花度嶺香此二聯  
一骨而雨送之聯其氣飄然爽豁

失題

觸石樹腰成磊砢入池泉脚失潺湲

補闕集曰氣尚生語欲熟初學之氣生然後壯氣  
逸壯氣逸然後老氣豪無衣子爲太學生時野行  
云臂筐桑女盛春色頂笠簍翁戴雨聲陳補闕云



觸石樹腰成磊磈八池泉脚失潺湲臂筐之句氣  
與語俱生爲時俗所尚觸石聳氣雖生語猶熟雖  
詩老亦驚

三年旅枕庭闌月萬里征衣草樹風

補閑集曰古今警絕句不多如草堂江上云功業  
頻看鏡行藏獨倚樓閣云卷簾唯白水隱几亦青  
山陳補闕云杜子美詩雖五字氣吞象外殆謂此  
等句也眉叟破閑云古今琢句之法唯杜少陵得  
之如日月籠中旬吟味果如啖蔗陳補闕云三年  
旅枕庭闌月萬里征衣草樹風未若草堂三年笛



寒關山月萬國兵前草木風語峭意深

五言排律

直廬與諸公占韻賦扇

欬風屏楓扇自水火雲天暑退蠅難近秋回鴈莫先  
小荷翻掌上團月墮襟前雅稱麾軍將曾隨畫水仙  
紈新如剪雪柄古尚含烟安石仁風遠羲之醉墨顛  
畫昏餘彩女恩薄怨涼蟬把翫臨寒簟楊州百萬錢  
補闕集曰陳補闕初直玉堂時孫翰林得之李史  
館允甫李同文百順前翰林尹于一六官才俊皆  
在席上占韻令賦扇陳卽抽筆書之曰欬風屏楓



扇自水火雲天暑退蛩難近秋回鴈莫先小荷翻  
掌上團月墮襟前雅襦麾軍將曾隨畫水仙純新  
如剪雪柄古尚含烟安石仁風遠羲之醉墨顛盡  
昏餘彩女恩薄惡涼蟬把翫臨寒簾楊州百萬錢  
一座以陳詩不佳乃相約各自賦口吟相切磨品  
第孫翰林云携持寧暫歇出入每相先豎障歌唇  
外橫拋醉膝前汗青翰假月沫碧貌真仙一座皆  
戲曰携持一聯常而熟汗青沫碧別而生李同文  
云品因飛燕重畫自季龍先繡幕搖翻浪琅庖鼓  
颺烟擺冷醒炎鼠揚清飲潔蟬尹云月圓今似古



詩對後連前飄拂身無垢淒涼意欲仙書宜留顧  
絕書不要張顛座曰擺冷揚清之句辭意清新尹  
之三句圓熟有力李秘書云碧月談筵上清風孝  
桄前丹竈催龍火青樓用麝烟盤蝇隨影散野馬  
觸風顛畫好安蘆鴨詞宜謝柳蟬韓留院云蝶舞  
橫霞外魚跳細浪前地還清暑殿人卽廣寒仙蛾  
暮遮蘭焰風朝護蕙烟座曰李詩蘆鴨豈宜圖於  
小扇三句皆用蟲鳥唯碧月一聯句法清勝韓蝶  
魚賦月傾扇失實清暑一聯真舉人地言事疎遠  
李東觀云風生細史地月動演綸天制作羲軒下



炎涼象帝先信疎松栢後功小桃糠前輕却勢長  
拂涼於戲半仙剪薰疑鳳雨揮羽掃狼烟破熱肌  
如濯揚冷手似顛簾腰搖帶鳳拂首側冠蟬願借  
真清力驅除俗臭錢座曰前三聯尤妙以此詩爲  
第一尹曰此詩之意先深後淺是爲倒格時文順  
公爲翰林最後至走筆云我欲洗煩熱潛投井裏  
天挺來雙手後搖入六官先已近高厨下堪陳漢  
仗前月圓奔底妾風弱馭無仙飛白書縈霧空青  
盡點烟驅蚊雷已靜撲蝶雪將顛發發供頭鷗輕  
輕弄髮蟬蓬瀛爭賦課誰最號青錢一座嘆服無



復問言文順公曰李東觀風生制作信跡三聯真  
老杜詩也吾詩不及遠矣史館曰君并扇之論尤  
效引高厨漢伏官禁中扇又效吾詩安能抗

七言排律

上琴承制

儀二首○此詩  
高宗乙亥作

南省掄材早忝魁亞元還顧桂宮春青雲路上初甘  
分白日光中也立身王事獨勞雖竭節國恩難報每  
沾巾嚴君舊愛雲無跡慈母殘生甌有塵清白漫留  
傳世寶文章未療病家貧銀鉤若點分憂籍須念三  
朝歷仕人



又

達情宣澤爲高憂早領羣儒價最優西掖尚餘紅藥  
興內庭兼侍赭袍遊擎天巨梓千尋直捧日祥雲五  
色浮御案獸香熏袖裏詔牋鵝墨落毫頭曾因物外  
傾朝望不許人間告后猷想像萬機偏有賴蓬閣喜  
淚亦難休

五言古詩

追和歐梅感興

四首

待物當以信應天當以誠爲善畏人知陰德猶耳鳴  
平時等愚陋臨事見真情君子故守分耻有過實名



嗟予問道淺惘惘空此生歲晚無所獲如農初不耕  
其二

道左賈時憎志迂遭物責居然見陸沉有甚風波激  
寸苗庇長材衆彩猜太白爭將脆似葦却笑介如石  
寧甘無辜失可忍非義得憂來不敢說詩以代鵬臆

其三

少年慕功名爲善急早晚高懷月在天逸氣驥走坂  
宵中貯諫書一一堪綴簋安知蟻鼻缺坐使純鉤損  
遂令萬丈虹縮作一寸短心知儒冠誤感歎時豈免  
然嘗在大鈞天聽終不遠時去不可追泰來非我勉



其四

此篇載  
雅

陋巷少閑燥迺為滛潦迫遊鞍稀拂拭但見蛛絲織  
嘗聞傲吏語學道無鬼責問渠百年間憂患那得力

言當時憂患時不得學道  
之力烏在其無鬼責也

吾故把熬羹無心慕肉食

左傳肉食者鄙不能遠  
謀此則窮且益堅之意

按此詩有所感而作也時權凶竊柄士類附勢

媚竈乞憐風節掃地公目擊時事因以自警首

述見真情之歎申言非義得之戒終之以無鬼

責一語素履固窮之志形於言外世人徒以詞

藻推許者淺之知公也集中註解見東文選出



於文選者有註出於他書者無註覽者詳之

七言古詩

扈駕奉先殿夜醮

香宮積纈扣瓊宮  
霓旌羽節排寒空  
嬰香噴作篆文  
曲紙錢窣窣呼天風  
夜深月悄人語絕  
時聞玉漏聲  
丁東玉母歸來獻天壽  
千年老樹桃花紅

宋迪八景圖

平沙落鴈

秋容漠漠湖波綠  
雨後平沙展青玉  
數行翩翩何處  
鴈隔江啞軋鳴相逐  
青山影冷釣磯空  
淅瀝斜風響



疎木驚寒不作憂天飛意在蘆花深處宿

遠浦歸帆

萬頃湖波秋更濶微風不動琉璃滑江上高樓迥入  
雲邊欄清如潑俄聞輕櫓鳬鴈聲頃刻孤帆天  
一末飛禽沒處水吞空獨帶清光攢一髮

漁村落照

斷岸湖痕餘宿莽鷗頭挿翅閑肥瘠銅盤倒影波底  
明水浸碧天迷俯仰歸來翦筮不驚鷗一葉扁舟載  
紅浪魚兒滿籃酒蒲瓶獨背晚風收綠網

山市晴嵐



青山宛轉如佳人雲作香鬟霞作唇更教橫嵐學眉  
黛春風故作西施頰朝隨日脚卷還空暮傍疎林色  
更新遊人隔岸看不足兩眼不博東華塵

洞庭秋月

滿眼秋光濯炎熱草頭露顆珠璣綴江娥浴出水精  
寒色戰銀河更清絕波心冷影不可掬天際斜暉那  
忍沒飄飄清氣襲人肌欲控青鸞訪銀闕

瀟湘夜雨

江村八夜秋陰重小店漁燈光欲凍森森雨脚跨平  
湖萬點波濤欲飛送竹枝蕭瑟瀟明珠荷葉翩翩走



楊汝道和  
圓未孤舟徹曉掩蓬牕緊風吹斷天涯夢

烟寺暮鍾

烟昏萬木棲昏鴉遙岑不見金蓮花數聲晚鍾知有  
寺縹緲樓臺隔暮霞清音裊裊江村外水精霜寒來  
更賒行人一聽一回回首香靄濛濛片月斜

江天暮雪

江上濃雲翻水墨隨風雪點嬌無力憑欄不見昏鴉  
影萬枝繁華春頃刻漁翁蒻笠戴寒聲賈客蘭橈滯  
行色除却騎驢孟浩然箇中詩思無人識

東人詩話曰李大諫仁老瀟湘八景絕句清新富



麗工於模寫陳右諫澤七言古詩豪健峭壯得之  
詭奇皆古今絕唱後之作者未易伯仲惟益齋李  
文忠公絕句樂府等篇精深典雅舒閑容與得與  
二老頡頏上下於數百載之間矣

按明宗嘗命羣臣製瀟湘八景圖詩蓋此詩作  
於是時李大諫一代宗匠也公以童州與之方  
駕俱爲絕唱雖以長吉之高軒過萊公之華山  
詩無以過之公之於詩真天才也

書雲巖寺

連下二篇  
俱載箕筆

昨夜山梅一枝發山中老僧不知折使君年少正多



情走傍寒叢問消息

夫風流

恨無仙人雙玉簫吹破人

間遠離別到山三日不登山無奈東風却悽切

言若不登

山間消息則春風必為人悽愴

明朝上馬入紅塵誰賞堂前一簾月

### 使金通州九日

去年九日秋澄閣

本註閣在安東府

楓酣晚霜湖色薄鴉

扶酒壽佳賓手揉秋香

菊

沉琥珀

李賀詩琥珀

其細

細裊茱萸烟醉眼生紅呼不覺江東陳迹倚仰間此

日西遊天一角漁陽南畔不見山野店蚊雷屯豹脚

屬道傍強飲不成歡短日紅烟添寂寞唯有西風

古態蕭蕭醉著烏紗落

暗用孟嘉事



金明殿石菖蒲

花甕碎玉含微消

花甕 菖蒲器

溪毛翠嫩根龍纏

坡詩下有千歲

根感縮如蟠蛇

風姿癯瘦甚可愛知是草中山澤仙自將靈

液侵寒碧曉來葉葉垂清滴已驚秋意蒲旁櫬忽覺

詩魂迷水石蓮花清淨出泥淤白芷芳馨生海隅

白芷

香草一誰識蒼然几案上寸根歲久還生鬚

言世人有蓮

芷而不知菖蒲之風味

禪牕日永香烟裊一桄隨風竹陰好上

人睡足眼波寒宴坐相看不知老

桃源歌

州角森森東海之蒼烟紫芝畢畢南山之翠巔等是



當時避秦處桃源最號爲神仙溪流盡處山作口土  
膏水軟多良田紅狷吹雲白日晚落花滿地春風顛  
鄉心斗斷種桃後世事只說焚書前坐看草樹知寒  
暑笑頷童孩忘後先漁人一見卽回棹煙波萬古空  
蒼然君不見江南村竹作戶花作藩清流洄洄寒月  
漫碧樹寂寂幽禽喧所恨居民產業日零落縣吏索  
米將敲門但無外事來相逼山村處處皆桃源此詩  
有味君莫棄寫八郡譜傳兒孫

尊萊崔山人寄書請賦

吾聞晉日雲雷擾英雄性命誰自料腸斷蛾眉金谷



春

用石崇綠珠事

夢寒鶴唳華亭曉

用陸機事

江東李鷹

張翰子

醅

愛尊秋風歸帆疾如鳥後來真味識者稀豈獨知幾

人自少君不見五侯席上厭羶葷玉椀冰絲時一要

千里親賢贊携擔懸知咀嚼無風調爭如江南無事

人指人一頂烏紗臨碧沼手探柔條活欲飲石鼎微

煎看徐攬

動也

下盥却笑羊酪麕

王武子食羊酪問陸

雲曰吳中何以敵此

荅曰千單尊羹未下憶解酒欲鬪鱸魚妙寄書乞詩意有在諷

我欲脫紅塵開青衫薄宦有何好夢魂已落滄洲渺

我行何必待秋風明日休官理歸棹

月夜與李史館允甫同賦遊月宮篇

詩逸



補閑集曰李史館允甫夜直與陳玉堂澤賦遊月  
宮篇云月駕長風轉虛碧斲出琉璃作飛轍廣寒  
宮殿十里圓玉女乘鸞庭下列天高仙樂咽笙簫  
風動霓裳響環玦白兔擣藥經幾秋藥成不殺姮  
娥竊調和沆瀣供仙真嚼下天咲若冰雪仙居天  
上得女生喫向人間除酷熱欸手修宮八萬條玉  
斧森羅守扁鐫逍遙各飽青冥遊厭飲天瓢白玉  
屑羨他公遠緣銀橋捫參陟過北斗舌星河下拍  
牛郎肩踏掬瓊華親手撥清都可望不可攀夜夜  
轉頭心斷絕館閣諸君以陳詩清壯爲優李詩語



雖清寒瑣屑為勞陳詩逸

附錄

事實

麗史叅政公傳曰庚癸之亂文臣家賴俊全活者甚

多

敕宗庚寅武臣鄭仲夫李義方等作亂大殺文臣欲撤其家叅政公止之曰吾輩所嫉恐者李復基

韓賴等四五人今殺無辜亦已甚矣若盡撤其家其妻子將何寄生文臣之家賴是全活者甚矣時

人謂有陰德後必昌孫湜湜溫皆登第有文名湜官

至御史大夫湜選直翰林院以右司諫知制誥出知

公州以平善為詩詞語清麗少與李奎報齊名時號

李正言陳翰林

東國通鑑亦同



按公以神宗辛酉入內侍院時未委禽年紀當  
不過二十矣乙亥以後屢入臺閣麗制經近侍  
則出補郡邑以試吏事公出知公州未知的在  
何歲而享年固不永所以與李文順齊名而位  
不及也

麗朝榜目曰進壯陳澤神宗朝三年庚申

宋寧宗慶元六年

榜詩賦閏二月禮賓卿高瑩中取二十二人六年癸  
亥補祖俊驪陽人

按麗史選舉志神宗三年春

榜下也南

公泰晉所錄公以神王庚申成均進士擢第一



求幾登第亞元云與榜目小異當俟更攷矣榜  
目以爲癸亥補官而攷李文順詩集辛酉補內  
侍從詩集爲是

輿地勝覽曰陳潭湜之弟高麗神宗時登第選入翰  
林院以右司諫知公州卒善爲詩詞語清麗少與李

太公齊名

又以名宦  
見公州志

東國通鑑曰高宗二年乙亥

宋寧宗嘉  
定八年

冬十一月禮

部員外郎尹世儒謁崔忠獻請命題賦詩忠獻卽并  
召正言李奎報直翰林陳潭同賦詩四十餘韻使翰  
林具儀考閱奎報爲首潭次之



崔文清滋傳

得卽尹桐軒紹宗所撰家傳非歷史本傳

曰公天姿淳訥力

學窮文陳卽中澤金平章仁鏡昇其詩賦而歎賞之

時高王在東宮卽薦爲侍學士

按康宗壬申文清公爲侍學士麗制東宮官經

翰院薦始與遷時公與金在翰院共薦之也公

之拜郎中當在遷司諫之後知公州之前

洪玄三萬宗旬五志曰公號梅湖

唱

代陳同年

吳和舍弟

澤

隨父之東京憶兄見寄

二首

○御史公以朋宗庚戌擢  
春闈試與白雲予同年

李奎報



寄語郎君早早歸歆師鄭園世同居憐渠獨扇蚊飛  
花恨我難憑犬寄書莫效胡威空問絹已聞竿續久  
懸魚錦囊詩草三千首多是花前醉興餘

二年相憶苦難歸身寄幽蛸殼底居吏散獨陪棠樹

裴客來應向練裙書

本註隨父在任故用此事

橫經漂麥思高鳳

問禮趨庭想伯魚安識來期行漸迫兩條黃色上眉  
餘

按李白雲與公酬唱無慮十餘篇今攷詩集年  
月可推知此詩卽神宗戊午公隨樞副公往東  
京任所時也公詩皆不傳



十月五日陳澤見訪留宿置酒用蘇軾詩各賦

前人

端坐蕭然有衲僧愛君閑話更挑燈人呼白日無雙  
客身到青雲第幾層况有新詩清似玉解教塵眼冷  
於冰少年氣逸應欺我沈約衣寬漸不勝

按此詩卽神宗辛酉公入內侍院時

後數日陳君見和復次韻答之

二首

前人

冷淡生涯厭較僧羨君豪眼慣饒燈醉攜紅袖香生  
座吟罷壞樓月上層賀得茂松偏是栢映來潤玉必  
須冰

本詩陳未娶故云

過門忍促朝天馬空望青雲悵莫勝



本註陳時為內省  
將赴闕過門不入

不招某伴卽詩僧斷送長宵只一燈  
讓蝶雪微猶解舞學  
雲淡不成層  
瓶舍何恨啼爐火  
筆惜餘  
失怯  
硯水賴有珠璣落窮巷  
爛盈襟袖重難勝

陳君復和又次韻贈之二

前人

朝退時時愛訪僧  
又逢閑客共  
某燈尋山雨帽低沈  
角趁闌風纓緊  
作層湘漲飲傾盃  
面玉蜀牋吟染素  
頭冰九原可作先  
相較李杜於君定孰勝

憂喜忘來似定僧  
任他金粟巧排燈  
琳條蔭地強千  
丈玉隴通天僅萬層  
睡爇工夫深巷雨  
夜寒消息一



瓶冰卜商肥瘦君何問已覺紛華戰不勝

夜宿陳澤家大醉書壁上

前人

班生古者史之雄  
筆頭不較陳孟公  
當時豪焰摩青空  
酒酣使氣飛長虹  
閉門留客投轄醉  
一樽不領人間事  
子雲巨儒好文字  
陳說酒客與法士  
空瓶獨在井之眉  
腹盛水漿何所爲  
掘入井中誰復悲  
滑稽可愛唯鴟夷  
陳公差樂張萊苦  
醉亦何害醒何補  
百世之孫君獨步  
坐酌凍海自吞吐  
醉中不覺升青天  
一聲踏碎琉璃甃  
黃緣漸到紫皇前  
霞冠玉弁風吹顛  
是時周公孔子皆  
在後相看彈指復  
叉手皆言子昂



李白上到天仙今已久詩之鳴者復誰有子可嗣唱  
何遯離人生遣之復還補以陳公太白之心精所以  
鍾其靈腦襟五臟日益泓而清君不見高樓雖百層  
正合看陳登如我卧地猶難勝

按此詩三篇亦辛酉冬作前詩彌以較勝李杜  
此詩許以還補陳李其相與之深雖古元白何  
以加焉

陳君見和復次韻荅之

陳郎年少氣充雄指麾雷母鞭雷公斗膽可吸江湖  
空有如跨天萬里飲海之長虹金鍾行酒日日醉吟



詩作賦渾閑事袖携聯珠數百字扣門爲訪狂居士  
居士老矣霜欺眉造物以我將安爲一生獨抱窮道  
悲他人脚底太行巫峽猶平夷鍊石五色空自苦天  
固不缺何所補予亦於吾何異笑百步雖劇金門蒲  
腹琅玕猶未吐相逢共幕劉伶天醉倒况有支頭甌  
是時白雪舞簷前輕薄柳絮飛狂顛箇中風流不落  
李杜後幾翰飛文皆老手莫辭促席留連久此會人  
間信難有諸公舉酒屬先生共道先生膏中何物以  
爲精自君之生天不聖地不靈山失其秀水失清宦  
路高高千萬層期君穩穩上頭登蒼生重望非子復



誰勝

陳君復和次韻贈之

並序

前人

某近承盛作多矣近體短章誠清警絕然唯未  
識長篇巨說中縱筆放肆處故以長篇試之今  
蒙所和新篇辭語奔放固在天地六合之外甚  
嘆甚歎更何言哉

風塵壇上吞羣雄一出奇語驚人泣鬼倒天公靈玉  
雖藏氣財空我恐騰精掣影上天化作五色虹讀之  
冷然洗我醉擬刻青瑤傳好事君詩不獨騁文字意  
欲使我酣歌痛飲不作酸寒士謂言人生戚戚不展



眉安用男兒爲東流之水不須悲直到崑崙頂上倒  
瀉河浪因馮夷作詩何用蟲吟苦他年文苑傳半紙  
書名又曷補君起舞月隨步口可飲酒是非臧否何

曾吐我今行止亦闕天碎擊僅免青州縣

本註自全  
州龍來

舊交零落過眼前邇來獨坐誰與放狂顛早識郎君

一笑論心後是處相携惜分手人間局束不堪久安

得作神遊八極大鵬與希有箇兒東方生豈是帝臣

乃是天上歲星精千年一實蟠桃靈笑履東海何異

褰裳涉淺清君不見蓬萊宮闕高層層非有仙骨何

由登金丹未就悵望情何勝



尹同年

儀

陳同年

湜

陳

湜

是訪用劉賓客詩韻各

賦

二年蓬轉久離根邂逅寒暄只一言邀醉散仙天是  
幕鏢留歸客雪爲門數篇詩句閑中迫一局碁聲靜  
裏喧到處逢場卽仙境九霞觴滿莫輕翻

按此詩卽神宗甲子年作時文順從東京幕府  
閱二載始還京公同伯氏往訪焉

次韻陳學正

湜

聞琴

二首

前人

人琴幸暗合絃手穩相迎寓古心逾淡通仙骨欲輕  
清於巖溜落幽却谷風生聽罷月微側冷然洗我情



樓景調商促陽春撫角迎數聲敲月慢餘韻出花輕  
舊譜腦中了新翻意外生倩君能聽否雖老尚鍾情  
按此詩卽熙宗己巳公遷學正時也公好琴常  
邀絃手與白雲同聽白雲詩曰寓古心逾淡通  
仙骨欲輕公之鍾期其唯白雲乎

次韻陳翰林題苗正字大隱樓在市邊

七古詩  
不錄

前人

按此詩卽康宗壬申公入翰苑時

癸酉孟春十七日與陳翰林

澤

夜飲林秀才元幹

家大醉林君請觀長篇律詩走筆予使陳公唱韻



賦之文不加點不啻一瞥

本註是日無韻書陳  
君直唱故音無次甚

前人

凍泚潄後出春風料峭寒得年顏歆改感物意難安  
烘炭初熈烈涼衫漸近單柳繞檣眼綠桃未吐唇丹  
水漫魚遊樂林暄鳥語歡良辰此莫勝佳會古猶難  
飲幸松亭靜吟從樺燭殘酒踰雲液酌饌勝菊英餐  
漸欲天爲幕何占日上竿高情穿月脇逸思跨風翰  
酪酏甘盃醕功名任印刻青衫猶寸祿白髮尚微官  
不分碧紗護知非黃土團假如千日醉曷賽一生酸  
歲月難留絆神仙夢亦千紅塵猶咏腐丹鼎未吞丸



帳望壺天路空沉陸海瀾得君欣且服行已正而端

失意曾遺甌

本註陳近者以公事免官

除官忽夢棺

本註遷資入翰林

予

心兢苦寒子意海何寬忝作雙飛鶴來尋五色鸞直  
須投肺腑慎勿覓痕癥話舊腸先斷論交淚已泫隨  
珠無處售趙璧有誰看賤子便丘壑郎君長綺紵心  
憐清似水言喜臭如蘭睡魄驅還泥詩源倒欲乾知  
音如不聽流水爲誰彈

按此詩卽康宗癸酉孟春公再入翰苑時

林君又以畫盤松屏風請古詩走筆復使陳君唱

謏賦之

七古詩不錄

前人



陳<sub>澤</sub>家置酒賞花醉後走筆

前人

作詩非各花筆下無妍詞絕欲遇仙紅腸錦時一搜  
及看此花艷意極反如癡終朝索一句吟苦寒螿悲  
畢竟寡好語對花顏何施花亦向我笑低昂似相欺  
有如多情子浪憶一妖姬道傍忽邂逅相對空逡遲  
脉脉竟無言况奈論佳期請君勸我醉更賞天天枝  
詩從醉裏出儻可敵嬌姿

按此詩亦癸酉春作也白雲酬唱止於斯篇豈  
與公離索而然歟抑李集中亦有遺佚者歟是  
未可知也



評品

補闕集曰陳補闕澤評詩以文順公杜門云初如蕩  
蕩懷春女漸作寥寥結夏僧如牙齒間寘蜜漸而有  
味李山之和者老相國詩云睡倚乍容青玉案醉扶  
聊遣絳紗裙如咀冰嚼雪令人心地爽然無累寘蜜  
之辭未若咀冰之語僕於此評未服彼咀冰之語雖  
新進輩月鍊日琢則萬有一得寘蜜之辭深得杜門  
之意非老手固不可道陳與由之及當時鳴詩輩共  
和者老相國詩相諷最強至於復用皆有難色而由  
之道此聯陳卽驚動故有此語



棄庵居士安淳之以曠世大手於文章慎推許李眉  
叟嘗以詩尤作汲古堂記安作記以駁李詩金翰林  
克己與安同邑又同時安未嘗一與唱和唯於吳先  
生世村一見歎服不已見陳玉堂溍詩曰君才已過  
鶴溪少進之可至東坡序文順公文藁云發言成章  
頃刻百篇天縱神授清新俊逸人以公爲李太白蓋  
實錄云

曹溪長老來問曰李陽補闕集已行於世其有文章  
優於補闕而家集未行者有誰曰中古已上名賢不  
可勝數今世吳先生兄弟安處士陳補闕俞金二李



許多輩比於補闕霄壤懸絕時無知已捃拾遺稿皆散亡長老猶未釋然

今之詩人評曰李承制公老辭語道麗尤長於演誥對偶之文金翰林克已屬辭清曠言多益富金諫議君綏辭旨和裕吳先生世材安處士淳之富贍渾厚李史館允甫林先生椿簡古精偶陳補闕澤清雄華靡變態百出此皆一時宗匠也欲觀下手之妙必於巨擘其短章絕句不足爲大手之工拙也

我本朝以人文化成賢儒間出贊揚風化光宗顯德始闢春闈舉賢良文學之士玄鶴來儀濟濟比肩文



至以寧厥後朴寅亮金富軾鄭知常文叔公父子  
先生兄弟李學士仁老俞文安公升旦金貞肅公仁  
鏡李文順公奎報李承制公老金翰林克己金諫議  
君綏李史館允甫陳補闕澤劉冲基李百順兩司成  
咸淳林椿尹于一孫得之安淳之金石間作星月交  
輝漢文唐詩於斯爲盛

東人詩話曰高麗光宗始設科用詞賦睿宗仁明亦  
尚儒雅忠烈與詞臣唱酬有罷樓集由是俗尚詞賦  
務爲抽對如朴文烈寅亮金文成緣金文烈富軾鄭  
諫議知常李大諫仁老李文順奎報金內翰克己金



諫議君綏俞文安升旦金貞肅仁鏡陳補闕澤林上  
庠椿崔文清滋金英憲之岱金文自坵尤其傑然者  
也高麗中葉以後事兩宋遼金蒙古強國屢以文詞  
見稱得紓國患夫豈詞賦而少之哉

南壺谷龍翼評品諸名家詩曰陳翰林澤流麗

金息庵錫胄自麗朝至我朝近代拈出文章四十

餘家評品其詩各有譬語至公詩則曰花開瑞雪彩

絢祥雲



禮賓卿公詩附

公諱溫梅湖之仲兄也康宗癸酉登第兄弟先後聯科一世榮之官至禮賓卿以文章鳴世出知羅州牧因居北門內

七言絕句

春

玉帳牙床別院中閑吟隨意繞花叢忽聞杏杳鶯兒

轉手放金丸看花紅韓鵬字王孫以金為彈丸一風失十餘時語曰苦飢寒逐金丸

兒音聞之

夏



金盤紅縷聳水峯盡閣陰陰樹影籠半崖烏紗倚玉  
花互教纖手扇清風

秋

釵

音口金歸

砌微微著淡霜袂衣新護玉膚涼王孫不歸

悲秋賦只喜深閨夜漸長

寫出王孫心事

冬

繡幕深深畫毯重龍爐鳳炭發春紅酒酣蘭麝薰人  
面掛起金牕向雪風

按公之兄及弟俱以詩名無愧王氏珠玉而可  
篇俱散秋只有禮賓卿四時詞數首載東坡文選



一齋可知金鼎之味附錄于下以備一家之則  
云爾

園隱先生文集中有云

公曰佛不可以不遠賢不可以不近佛者之道行賢  
人之道塞賢人之道行佛者之道廢佛者之書賤矣  
可以投於水火賢人之書貴矣可以刊於金石先生  
曰陳公此言與崔公天老斥佛疏同意也







梅湖遺稿跋

梅湖詩集一卷麗朝右司諫陳公澍之作也集首有  
偶題絕句一首蓋公以書狀官奉使金源時詩而其  
旨激昂悲咤千載之下猶令人擊節而興慨也嗚呼  
當是時中國陵夷戎狄迭侵而春秋尊王之義漠然  
不復聞矣然竊嘗恠以三韓禮義之國猶且靡然服  
從於胡虜終至結婚媾通朝官而不知耻及讀公詩  
然後始知其時士大夫未嘗無忍痛不得已之心特  
畏約力不能有爲也昔周之衰而有匪風下泉之詩  
當時列國慨念王室之意藹然著乎咏嘆之中使天



下後世知民藝之不可終泯者實賴斯二詩耳然則  
公之此詩其可比列於曹檜之什而無愧焉公善爲  
歌詩與李文順公奎報齊名一世搢紳學士皆推許  
之嘗有文集佚而不傳公之子孫搜輯其殘篇斷句  
之散見文籍者及諸名公評品之語將付剞劂以圖  
不朽屬余跋其後噫公之賢固不可名以一詩人然  
今之知公者幾希矣非斯集亦何所徵焉哉於是書  
此以歸之甲辰春資憲大夫工曹判書兼知經筵  
事弘文館大提學藝文館大提學知成均館事奎章  
閣提學世子左副賓客首陽吳載純書



有詩不滿百篇辭僅千餘言其出踰五百歲者高麗  
補闕陳公之詩也公之世當麗朝之中葉勝國之治  
號稱是時爲文明公能挺然於其間上掃前代厓荒  
之陋下啓我朝塗鑄之盛方其翱翔于藝苑軼駕  
于羣彥渢渢乎正始之音洋溢于國中宜可以師表  
後人輝耀來世顧其篋中之珍十七八九殘篇斷簡  
乃得之後人掇拾之餘嗚呼惜哉然觀公之詩雖寂  
寥如此清新而有致儻永而有味譬若崑山之片玉  
桂林之一枝具眼者將有取焉固不係於言之多小  
也是則其失之於前者至短而繼此以傳者將不知



爲幾千百代之遠也余旣有感於斯文顯晦之際而  
又以托名爲榮略書此以塞其後孫之請若其詩之  
有得於尊王之義而增夫倫彞之重者黃吳二公之  
文盡之矣余復何述焉

崇禎三甲辰嘉義大夫行成均館大司成驪興閔鍾  
顯書



文章之顯晦有時石鼓詩著於唐岣嶇銘出於宋漆  
簡之史石函之經凡諸異書奇文始雖不傳而終必  
大顯豈貴耳而賤目哉蓋亦有數存焉梅湖陳公  
之詩卓爲麗代名家清而不寒麗而不繁雄健華雅  
百態橫生與李相國奎報方駕不相讓評之者或推  
以才近東坡或許以李杜孰勝其大行於時固不待  
今也惜其全稿不得與白雲子同傳而散見於補闕  
集東文選詩話諸書者僅有若干篇余嘗因其裔孫  
獲觀其家藏猗那寂寥之什亦足以考其文獻傾其  
所輯猶多放失以余謏聞略記一二於是乎履蒐諸



家裒成一編旁摭麗乘綴爲小傳凡語關於公者踈  
細畢取著其評隱係以附錄然後公之詞與事庶乎  
其備傳矣編旣成又得南公泰普所錄蓋始於洪玄  
默萬宗歷拜傳而就者閉門造車不謀而合亦云奇  
已其詳略之不同者間多披彼而取此記遠者不得  
不從其詳也或以編秩甚簡猶類殘缺病之然隨記  
之寶愈寡愈珍鍾鼎之篆愈缺愈奇吾東方自羅氏  
麗作者數百家寧湮滅不傳獨斯稿閱七百載始顯  
於今古人有云金有時銷石有時泐一字榮神萬劫  
不泯於公詩騷矣癸卯秋興籍首陽崔粹言識



先祖梅湖公詩集不泯而復行者殆天意也舊有梅  
湖集行于世世代寢遠旋已亡佚故我王考正郎公  
取其載在東文選及他聞見者若干篇謹錄而藏之  
家矣 英廟己丑咸陽宗人遂以其錄刊附譜牒之  
端而壬辰南蔚山恭晉遂析而分之窮搜王考未見  
之書博考前賢紀實之語釐爲二編居然成一集今  
上癸卯崔典籍粹翁又銳意裒聚叙以小傳臚精  
蒐輯彙成一冊而駒城宗人埤甫切於爲先之誠摯  
以刊行之責不遠千里跋涉山川合謀諸宗鳩討繡  
梓能使屢百年旣佚之寶什一朝復行於世豈非有



數存於其間乎天不欲喪斯故惟正郎公隨見輒錄  
於厥始惟南崔兩公釐編哀集於厥中惟塋甫周章  
剗剗於厥終故曰梅湖公詩集不泯而復行者殆天  
意也噫詩以言志公之感興詩有曰待物當以信應  
天當以誠此孔子所謂不言而信曾子所謂誠其意  
工夫也又曰寧甘無辜矢可忍非義得此孟子所謂  
行一不義殺一不辜得天下不爲底意思也觀於此  
可以驗公之志豈不偉哉若夫春秋之義先見之明  
已悉於數公序記中故茲不復贅云爾

崇禎三甲辰仲秋下澣後孫廷杰謹識














十

十

十

十